

Skýringar

Í 64. og 81. gr. laga nr. 90/2003 um tekjuskatt er kveðið á um hvernig telja skal fram tekjur og eignir barna yngri en 16 ára.

Á skattframtal barns færast tekjur samkvæmt 1. tölul. A-liðar 7. gr. skattalaga, s.s. launatekjur, lífeyrir, hlunnindi og starfstengdar greiðslur. Hafi barn, yngri en 16 ára, ekki haft slíkar tekjur þarf ekki að skila barnaframtali. Allar aðrar tekjur barns færast á framtal framfæranda barnsins eftir þeim reglum sem gilda um skattframtal einstaklinga RSK 1.01. Tekjurnar skulu færðar hjá því foreldri sem hefur hærri tekjur samkvæmt lið 2.7 á framtalinu (þó að frátöldum tekjum í 2.5). Séu foreldrar ekki skattlagðir sem hjón, þá skulu tekjurnar færðar hjá þeim sem hefur barnið hjá sér í lok tekjuársins og annast framfærslu þess.

Eignir og skuldir barns færast með eignum og skuldum framfæranda, en bankainnstæður og verðbréf færast í lið 3.4 á framtali framfæranda.

Hafi barn misst annað foreldri sitt eða bæði og ekki verið ættleitt, er heimilt að óska sérskattlagningar vegna allra tekna og eigna barnsins. Launatekjur barnsins færast í kafla 1 en allar aðrar tekjur í kafla 2 á framtali barns. Þá þarf jafnframt að skila bls. 3 og 4 af skattframtali manns RSK 1.01 þar sem gerð er grein fyrir eignum, fjármagnstekjum og skuldum barnsins.

Nánari leiðbeiningar um framtal barns er að finna í leiðbeiningum með skattframtali einstaklinga.